

四庫全書

史部

欽定四庫全書

史部

欽定熱河志卷一百十二

至

詳校官編修

臣曹城

檢討

臣德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

欽定熱河志卷一百十一

藝文五

本朝

詩

虎神鎗歌

有序

汪由敦

虎神鎗者

聖祖仁皇帝嘗御以殪虎命曰神鎗志異也

皇上行圍所至誓御負之以從猛獸當之無不摧斃
今年秋岳樂園中於三百餘步外殪洞中伏虎

御製文紀其事

臣竊謂鎗固神抑由

智勇天亶用之者神也敬為之歌

塞垣崿嶭伏虎多壓山壯士排長戈斑斑白額恃
牙爪獨踞深洞藏巖阿巖阿百尺徑路絕隔谷獵
徒來指說

天子前岡正合圍手舉神鎗繞一瞥電掣橫飛星火流

雷轟直劈蒼崖裂怒吼狂跳強負喘隔腦洞胸俄
掃穴神鎗奇中此最奇精良溯自

聖祖貽軼才狡獸惟所施發無不貫無不靡火攻猛烈豈
輕試除殘去惡理則宜獵場引滿日飛鞚藩部萬
人爭目送幽陰厲合往輒摧共仰

天威本天縱詰戎纘武法守昭茲事由來邦政重瑯戈
垂矢典冊陳夏鼎商盤謨詰誦寶傳武庫鎮五兵
神器善承須善用

扈從觀獵恭紀

汪由敦

龍沙繡嶺秋早霜天留輿區作獵場順時行獵

神武揚藩部選徒千二百萃從沆溶盡貢獲蜚遽游泉

手能格霜蹄蹴踏披雲根雙拳風轟排天闥包峻

蔽嶠氣可吞駭鹿驚鷹困奔仆希間突衝橫錯運

堵牆擲比餘扣怒黃間滿殺動有神呼聲楓拉淩

高旻一開生路昭

皇仁霧散塵飛各騰驀獻尾旌門如獻馘車箱駝背紛

他藉上林羽獵矜奇觀危游

異數容據鞍承

恩一洗書生酸

塞外雜咏進

呈

蔣溥

羶廬

千人可坐帳伊那棟宇居然載以駝牆似編籬風
陣入葢疑張繖雨聲多到門一任生青草捲幔偏

宜對碧蘿別有雙簷人字樣都稱安樂得行窩

駝裝

貼地何曾千里駝遙裝不慮塞程多載將家具還
行具度盡危坡與淺坡沙際奔泉蹄印濶柳邊作
隊項鈴過歸來雉兔紛他藉負重須防偶一蹉

馬絆

分將官馬足驅馳維繫休教起遯思耳後風生來
玉埒春端霜重立金羈竿為閑廐繩為阜水滿山

前草滿陂竊讐詭街防夜逸一聲嘶向夢中知

風竿

入望高低各颺搖竿頭斜曳颺層霄危檣亂轟風
帆挂山店初開酒旆招圖就忽翻前度樣燈明認
取舊時標影收人卧周廬靜夜橈沉沉響徹宵

雨溝

不同積潦塔兒頭雨集皆盈底用愁深淺但消一
勺水縱橫如界十夫溝掘成我僕痛瘡力學得伊

孫詰曲流卓帳未安先命鍾端知前事有綢繆

設卡

星廬萬帳簇紅雲人絕譁聲地少氛

御路兩旁雙卡立大營四面八旗分其風無敢收逋馬
入夜先呵越隊軍部勒森嚴兵法合圍間數獲足

論勲

地竈

掘得團歌三尺土煨將梢杻一鑪深不須曲直先

防突但取圍圖可駕輦夕饌晨炊經再用燎薪揚
火未全黔若教祭竈比隣請日日招邀繼自今

安市

昨於何去適何來論價爭贏咲語陋小聚空場半
日事坐屢列肆一時開生涯但逐行人便奇貨難
居日用材征税不輸

恩例久萬人歌舞塞垣回

征衣

寬博誰言利走趨裁縫熨貼趨征途長裾斷處剛
容膝短後穿來恰半軀最喜逐熊誇捷步偏宜騎
馬向平蕪路旁爭羨鶯黃褶豹尾斑中按隊俱

銅晷

十二辰中別正初不須測影土圭如璣衡運轉原
銅鑄度數分明匪筆書妙製創由泰西法遺規傳
得指南餘行人按候尤稱便起頓無訾汝與予

頌鹿

俟俟儻儻或友羣獻翫幽雅意度申豈知雨血風
毛後偏建調弓執戟人拜

賜榮霑誇部落分甘

恩許洽臣隣罷圍按簿如山積未深猶看士怒嗔

和詩

圍間

宣示捧

新詩馬上吟成帳下披日月三霄光莫繪韶咸九奏響

難追盛時雅頌誠多幸

上聖文章附見知後乘鄒枚羣橐筆每賡

天藻自慚媿

前題

錢陳羣

檀廬

過眼川原一刹那亭名擇勝付輕駝
牕開北牖迎風遠幔卷西偏得月多
雪重乍融連雨點草長緣隙入晴蘿
無窮烟景隨時領不羨堯夫安樂窩

駝裝

檢點行裝上駝駝笑看家具亦無多山根遠望疑
危石柳外斜堆似亂坡鼻孔絲穿雲際擁蹄涔沙
印水邊過行人立馬遙相待更戒相將慎勿蹉

馬絆

周防駮駢莫長馳逸足從來有遠思利用繩之三
尺法聊云與以片時羈低頭且喜加官草緩步何
妨近澤陂要使調良馴本姓蒲雲只恐未能知

風竿

風時欲舞意飄搖環衛周廬傍九霄夜月偶依人
影亂夕陽一向馬頭招四時花草泥翻樣萬族禽
魚各自標更映紅燈燦珠斗酒家帘已落清宵

雨溝

一聲琴筑落牀頭高枕無煩旅客愁
蠶絲加功資蕩瀉淺深得法合涂溝
彎環偷得羊腸樣活潑渾如鶯脰
流帳下兒童須省錄要知未雨好綢繆

設卡

皇居往往覆祥雲四面貌貅淨遠氛豁聞千林連野濶
綿延兩翼引繩分星羅直似長楊道壁立寧同細
柳軍遙指射鵬烟靄靄更傳殪兇早書勲

地竈

不是燒丹探火候寧同掘井及泉深春厨尚要芟

秋草

塞外春時
尚無草色

故竈欣看試舊醬

間有歸途行厨
即用去時舊竈

者
豈必代庖方可治何須曲突始能黔偶然增減

尋常事史冊陳謀豈似今

安市

趁市隨行若子來日中遯遯復遯遯
蘆簾葦席排
偏密馬後車前擁不開一夕所需無
騰物千家資
用有餘材塞垣老幼歌休助共說

皇程去即回

征衣

豹尾班中遯隊趨家家裝束事長途
博寬最笑躡

跣步短小偏宜精悍軀浣處袖中丹禁筆香痕襟
上塞垣蕪歸來好付閨人手更待明年扈從俱

銅晷

姬旦南車是太初候陰觀象孰之如銅圭恰合西
洋製玉尺蕪傳南正書九行去聲納來懷袖裏五方
辨出雨晴餘

一人行殿猶宵旰尚

曰分陰實起予

今人雅合分陰惜陶侃名言
實起予

御製詩中句也

頌鹿

按簿如陵頌或羣頌來右牒自

天申拖金下拜趨君長割肉歸遺屬小人貫串隨車紛
飢歲炙燔促坐洽比隣餘波早沐授醪賜廩養衙
恩孰敢嗔

和詩

鈞韶天上出新詩傳寫詞臣五夜披復旦歌成

情自愜卷阿遊罷景堪追

上每作詩皆即景成章
捷如天授從臣應 詔賡

和往往還一

二日恭錄

九重朗照誰邀賞一字能安便受知迴憶

屬車曾珥筆無鹽自笑老逾嫵

避暑山莊感

恩紀事十六首

尹繼善

塞上峯青霽景鮮重來正值早秋天

山莊記得曾陪宴彈指光陰十二年

好雨恰隨

鑿輅至已看渥澤遍山田誰知
宵旰勤民意猶待霽霽望遠天

避暑時間

帝作歌

新題舊詠揭巍巍

皇心總在同民樂得句攸闕稼穡多

曾誇白下有卷阿

江南攝山
御題白下卷阿

紀勝留題

膚藻多山色松濤猶入夢此間風景更如何

蒙
得貼卷阿
恩

勝境

蓬瀛深處許從遊
點點芙蕖引

御舟錦纜徐牽明鏡裏
清香不斷綠陰稠

曾侍御舟至如

洲意

一片澄泓映碧空
窗明水殿引涼風
駕行列坐筵

開處四面雲山在眼中

延薰山館賜宴

慈榜懸弧目未經
古稀年過喜添丁
嘉魚湛露歌

初罷又譜新聲一笑聽

今歲典試春圖
似初生予調之今演入新

上以

刷

翠石環階樹繞廊

嘉名迪吉舊山房

紫恩
遊惠迪吉

玻瓈鏡映峯千疊勝景

渾如屋裏藏

白鹿泉邊夕照樓曾聞彷彿此清幽

江南樓霞
行宮有日

夕佳小樓
上云似惠迪吉

而今得入方壺裏不向棲霞憶舊

遊

高下亭臺倚翠螺凝眸西望樹尤多

西有萬
樹園

綠陰

深處紅塵少曲徑時時見鹿過

講武承平

示典型

特教圖寫付丹青衰年見獵心彌喜未得隨班入畫屏

殿壁張木蘭圖

瞻閣竇深欣羨

宮牆數仞入門難體恤

恩深得一觀多少林巒探未遍又從堤外促歸鞍

柔遠頻看禮數加諸藩列侍雁行斜分嘗

賜饌歡聲動中外於今總一家

無才叨領

御前班步履滿跚亦赧顏曰接君王難解語都疑隊內

有南蠻

上以臣似蠻子戲告諸藩

游藝咸欽妙入神每從釣弋見

施仁

御厨珍味頻

頒賜獲鹿尤先及近臣

蒙賜鹿肉

公餘退食正風涼荔子瓶開滿院香嶺嶠一年來

一度白頭能得幾回嘗

蒙賜荔枝

木蘭隨園感

恩紀事十六首

尹繼善

霓旌動處武維揚猛士聲喧共陟岡信是

天威能遠播道旁拜舞盡名王

山頭搏獸競追奔緩步偏邀

體恤恩指向諸藩頻

笑語南蠻今日亦橐鞬

萬騎歡騰繞

玉驄驚駘有興亦嘶風水競一路防顛仆時在

天顏顧盼中

行圍四面宛如牆暫歇

金鞍坐曉涼得鹿燔柴先告祭

圍中得鹿先祭山神

近臣拜

賜共分嘗

路遶層巒入塞雲膚廩連中躍千軍從知

聖智由

天縱寧止多能迴出羣

從心應手共稱奇下馬旋催和

御詩試問詞臣與猛將

乃文乃武孰能師

遼東猶記常隨獵五十餘年竟未曾

指示開弓

親駐馬偶然倖中宜臣能

射到疲廔已可慚，況容矢發再而三。那知帶箭還
馳去，老不如人一笑堪。

風入蹄輕句，宜虛驊駟進止自安舒。

上驄屢得良驥均賜

嘉名同邀秣飼，供驅策。鶩鈍依然愧不如。

鞭絲直上撥雲開，林外聲聞兩翼催。

顧問登山還懼否？

垂憐真似護嬰孩。

風生一嘯動林隈，獵騎飛馳報虎來。祇為蒼生除

猛獸不辭策馬上崔嵬

飛鎗百步信如神
殪虎橫拖嶺上陳
時向驪貅申
告戒恐教輕進或傷人

獸中猛力數封熊與虎同遊
傍石叢共訝神鎗聲

震處一齊應響殪林中

上施神鎗
中熊並一中鹿

康鹿羣殷望澤情奔騰四野向人鳴
得蒙一面開

仁網豐草長林獲再生

圖中國鹿或過多
上命開一而放之

收圓

行殿集藩王四面雲開翠幕張樂奏清平頌

厚賞同聲忭舞慶重陽

重陽清平調

賜宴演李白賞賚諸藩

一路西風馬上催年哀何幸此番來

賜脛

賜食

恩難數並得雲山飽看回

恭和

御製常山峪行宮原韻

汪由敦

碧嶂開

行殿

宸遊廿載前

文孫揚

大烈

法駕閱重邊

駐輦循軒檻
分甘憶

几筵

新定四庫全書
貽謀全盛日休養屢豐年積歲林增密經秋壑更妍
宸章攄至孝繩

武頌時肩

恭和

御製謁

陵便道駐蹕

皇祖避暑山莊曷勝今昔之感元韻

梁詩正

大孝謁

陵園西風度板原橋山瞻

列祖巖館感

文孫避暑曾開築當秋一息轅追思攜抱樂彌訝景光

奔清澗長流森重林美蔭繇

龍文題額煥鶴步印莎存事往頻增憶腸迴默自論更殷

堂構念貽厥永銜

恩

恭和

御製出古北口元韻

錢陳羣

蠟螭左折限燕遼一線天門矗半霄遠勢晴添蒼

集健輕程秋與紫駝驕千盤迴互山容淨十館更

番士氣調

逮文自古北口東北迤
運七百里內凡列館十

扶杖關民低笑

語共傳

日願類

神堯

恭和

御製古北口元韻

沈起元

嚴關非漢月非秦村落雲連古戍堙
紫塞漫傳重險地青山長住太平人
礪泉漲後聲猶壯農戶豐時俗盡淳
邊草邊花承

輦道欣將膏露灑清塵

恭和

御製圖興安絡緯兼題以句元韻

梁詩正

露草依栖伴蛭蛉馬蹄乍蹴趨來青
興安小種曾

傳說前度秋風眼始經

臣於乾隆八年扈駕出口始一見之

早警涼秋唧唧鳴風晨雨夕助淒清兒童一例編籠貯水飲爪餐別有情

凌寒蠕動上花枝寫入

仙毫秋意遲為補幽風圖未備七言新製塞原詩

行行香夢杳難尋慢屋寒聽蟋蟀吟識取

聖人詩畫意要憐征士苦單衾

恭和

御製曉行二首元韻

史貽直

仗外青峯峙翠標

六龍法駕啟晴朝
初暎半映玲瓏壑
淺水斜通迤邐橋
巖樹綠低風動樾
野花紅亞露垂翹
村民遙識停鸞馭
時有天香夾道飄

澗泉迴繞碧磷磷
點綴涼波發渚蘋
隱隱曉鶉開遠寺
遙遙嘶馬渡前津
如枰塞畝多嘉穎
似沐秋林絕點塵
足慰

皇衷唯稔歲倉箱寧惠小民貧

前題

蔣溥

疏星幾點逗林標塞意將添白露朝修黛自環深
淺谷偃虹頻接短長橋山田穗重懸珠顆沙岍花
明濕翠輶却望層霄多霽色

龍旗展處瑞烟飄

蒼霞片片石磷磷欲采秋芳向澗蘋金蓮齒光分
疊獻玉宗琤響瀉迴津烟中翠剎初開暑雨後青

楓不染塵碌碡村村場圃築

睿懷猶軫塞農貧

恭和

御製波羅河屯作元韻

汪由敦

行殿清秋曲蓋停嵐光環繞翠為屏百年藩部蒙

恩澤萬里邊陲慶入寧樂奏廣筵羅毳幕歡騰夾陛拜

珠庭

鴻猷遠紹

神堯烈雨露頻霑塞草馨

恭和

御製行營元韻

汪由敦

千帳拱星營如弦

御路清黃中開

法座壁合儼重城列部仍聯署分門各建旌風雲入

睿想箕畢協羣情甫草宜言狩屏藩會遠迎車攻邁周

雅

宸藻更天成

秋迴蒼茫野天低平遠山鈞陳肅周衛壁壘警嚴
闕風幕千燈聚霜弧半月彎選雲橫作帶近澗曲
如環班馬凌晨發明馳向夕間咸欽

聲教訖絕塞達瀛寰

前題

劉綸

帳殿啟連營邊垣入望清魁杓區九野

華蓋接重城掌舍傳施板行人識抗旌徼荒來按部

琛賁競輸情夜竈烟光散晨裝興氣迎昇平如可
繪

王會佇圖成

侍從千廬合臨流復面山

龍光依

日馭虎旅衛

天闕燈幌明星麗弓衣寶月彎知時壺漏永戒道戟枝
環列肆柴車便長笏樞馬間共欣隨豹尾勝絕擅

人寰

恭和

御製登興安大嶺歌元韻

汪由敦

昔聞興安大嶺上可摩蒼天粵自鴻濛作判五嶽
五鎮奠方域洩雲致雨造化分命司其權秋視三
公旅四望祠官典禮自古然茲山傑峙大漠外山
經失志莫識其從前

聖祖神武襟四表幅員所際遠軼太古先龍沙

清蹕偶經此武陵果有桃花源神鼓與區塵跡不可到飛
黃在御振鬣登崇巔彷彿金支翠旂互摩戛底事
滄瀛縹緲求神仙我

皇丕膺鴻緒繼

祖武紹庭上下夙夜加勤度四經大獵橫紫塞緬溯
遺蹟親舉白玉鞭旋御虎帳灑

奎藻謂身所歷非僅竹素之傳言興安大嶺上可摩蒼
天前年曾謁五臺之淨域去年曾登泰岱之名山

應真膜拜嶽祇尊纖雲不起淨卷兜羅綿茲來旭
杲騰躍扶桑外競趲溷漫倏若干步帷幙亘接連
宓妃玉女星駢遠障蔽不比浮邱揚袂洪崖許柏
肩金戈鐵馬出飛棧鯨波驚濤盪驚川霓裳羽衣
嫋翩翩玉徽流水儼幽蘭蒼茫不測厚坤意神奇
變幻詎可常理詮無乃效靈酬貺荅胥觴上千
天筆勒此煒煌卓犖之大篇不然何為詰旦遽明霽陽
開陰闔殊判焉

宸章一讀一咋舌屈宋李杜頽首臣僕間雲隨飛龍降
霄氣卷舒一氣交盤旋惟見白榆厯厯舉手摘素
凝玉杵守廣寒又見白虎敦圉驂金官跋烏瞞鵠
迴晴暄俯視齊烟九點復有九經營賜谷濛汜耕
芝田洞庭窈窕張廣樂湘靈瑤瑟廿五絃塗山圭
壁集萬國葱珩鞭琫垂紛緇

神心晃朗大圓鏡坎埏蟠際羅其全談天雕龍陋衍爽
崑崙靈宮何侈旃興安大嶺上可摩蒼天仰賴

雲漢章萬古長流傳

前題

劉綸

蔓哉乎興安幾不知天山之上復有天域中名勝
區三百六古來登封代七十二對此難與判度而
銖權蕃王別部厥號翁牛特唯見蟠龍挿翠拱者
順者跂者各各獻狀兒孫然水如伊遜足練未足
纓其側峯如大青瓦螺詎能晚其前孰亭毒是孕
毓是乾經坤絡開必先伏聞

皇撫疆索四至八到窮流源綏服之臣再拜請納地文
囿直跨陰崖巔至今懸椿設叢儼如畫神皋壘朗
宜有祖氣窟宅園靈仙靈仙之緯亦遼邈烏在視
公視侯秩孔虔土人告語嶺頭草樹有手不敢指
薦以鄂博羅供悅幢筭箴或弭鞭或云上通帝座
之一炁或云下俯齊州之九點雖辯士猶絀於喻
言噫吁戲幾不知天山之上復有天霄爽眸嚮理莫
營謂天非天山非山雨不待呼龍燒燕廣野甘溜

雷竿綿電不待投壺天笑玉虛散景紛翩連大塊
者何觀伯不得埋其竅布鼓者何阿香不得弛其
肩有時晦晡發遠曜有時滛濊迴長川乃知取精
用物閭奧窔奚趨姬之甫草漢上蘭朔野寵蓂實
巨鎮披圖按牒誰釋詮

聖時懷柔固無外

奎章況軼摩崖篇欲四三謨三二典以升介邱寧闕焉
從官噍噍口皆禁有生但識忒東華西衡南恒北

嵩中間醯雞舞甕鼃坐井又若摩牛蹄迹空盤旋

帝曰往哉疇作繪

是日命贊善張若澄繪圖

迴蹕

丹青滿幃淑高

寒期門受餐胡前導手排宿霧延清暄麻皮鼠跡

互攢簇肯留半掌為平田邊陲壯觀茲第一上之

當寧繹繹馳道來如絃髣髴諸真欲報貺霓旌羽葆纚

纚而繾繾即看繩行殿懸表雄峙職方之誌匪獨

寰中全

至人有德不在險搜神述異咸舍旃噫吁噫幾不知天

山之上復有天陳詩跼縮竊愧盧仝馬異劉义傳
恭和

御製回鑾至喀喇河屯作元韻

劉綸

輦路迴環繞塞河

山莊僅隔一程多雙懸塙影清如昨獨秀鍾峯遠若
何月屆授衣應薦爽風過落帽尚回和

離宮應識

天懷愜蕃部先聞擊壤歌

金華集卷之十一
經時扈從喜騰軒駕暫行慚駿足奔古牒青猶環
馬首秋葩紅已綻雲根新符不待郵傳換舊帳重
尋卓耿存取次入關三宿近盡攜行卷紀

恩言

恭和

御製入古北口元韻

史貽直

誰言天險出神工中外今知雨露同秋入關城清
輦路日臨

仙仗絢霜楓萬家殷阜人烟聚百雉巍峩地勢雄多
少邊民深受戴

鑒迴遮拜繡旂風

恭和

御製寒瓜元韻

阿克敦

寒瓜別種亦常蔬風雨田間

採錄餘縷縷繩牽紫蔓後離離實好繫門初鹿麕梁欣得
餐能佐甘瓠烹來味儘如七月詩中應補入不愁

老圃食無魚

恭和

御製山田元韻

嵇璜

凡民務生計詎宜禁所之闕外山可田歲久蕪不
治蒙古事畜收肥瘠俱所遺邊氓窺此利招攜來
窮黎連塍及寸壤人力無不齊幸茲風雨時辛苦
慰一犁硤硤變腴土游曠兩有資分疆或興議

帝命下所司務俾中外安民隱若察眉

前題

金德瑛

高低皆犖确有人疆場之斷石闢荆棘始覺蕪穢
治當昔生齒寡土或有曠遺五方今雜聚招徠憫
窮黎老幼攜筐餉丁壯用力齊颯然山雨過潏汗
把一犁艱難且勿說猶勝全無資拊循泯爭奪疆
界慎職司庶幾磽瘠壤樂業咸開眉

恭和

御製永恬居元韻

劉綸

東巖花發晨西嶺雲歸暮居常與之恬山亦永其
趣

聖性皆天遊停鑪峙清路此中一邱壑太古心已具於
焉契真詮象外得言寤靈臺及卷阿名義資補注
恭和

御製山莊起程之作元韻

梁詩正

山館兩宵資憇息塞程初軔樹麾旌宜秋薄霧方
侵曉解事西風乍作晴翠挹青螺峯遠近香飄華

忝茲縱橫佇看重譯賢王集望拜前駟效款誠

恭和

御製羶廬元韻

梁詩正

度地堵持穩隨程舒卷如延青窗半敞生白室中
虛乙夜明然燭重簾護展書莫論寬與窄天地一

籛廬

恭和

御製即事元韻

阿克敦

惟宮隨事洽清歡霧氣初凝木石寒列嶂依營詩境
遠高原縱轡獵場寬水筒行汲泉還繞樵斧聲聞
路曲盤自是游情契真宰江南塞北豈殊觀

恭和

御製於木蘭作元韻

劉 綸

朔野古區脫置頓若鄉縣四十有八部三年歌載
見不待披黃圖要荒等候甸因資軍實脩用使巖疆莫
泉甘而草肥樂此羣材囿賓服敢自封獻地供

蒐狩伐樹禁射生育物與時茂土名多巴顏富也德產信

云富

嚴花候

慈輦向暖爭爛斑秋風未滿

旆令序遲初寒簡卒佐游激負弩來傳餐

聖孝調六膳揜解喜登盤

鍵闕設桓木地利匪專美表畧蕃落間避馬行且

止天山成

上苑往牒罕倫比
逮馭在堂階

前猷隆至理

文武常兼資
伊古垂令譽
我

皇勤玉趾冒勞
溯厥初穆納控
興桓指掌羅方
隅邊垣
饒祿恭蹴防前
驅

申旦集徒御
洞壑開深幽
講武協

天行薜收正司
秋驩
序知獲萬
千
紛攀留捎鞍
見
頒禽戢戢多駢
頭

郵籤促封匭

問夜闌

堯心復此寸陰惜罷獵先

成吟詞臣如望洋微涓慚酌斟嗤彼上林賦矢此卷阿

音

一舍便移徙萬竈騰烟光柴車行叱叱作市牽牛
羊懽迎衆君長訕日咸擊觴上

壽聽山呼

錫祚垂鴻龐

時巡考虞典，深阻通四隩。陳風更觀物，

性天徵所樂。暗雲斂天末，萬笏插清昊。願言勒貞珉，紀

實崇典要

恭和

御製塞上秋蒐奉

皇太后自圓明園啟蹕六韻元韻

德保

玉輦天邊發行看塞上秋

時巡遵

祖

訓講武展

皇猷乾惕深

行幄

恩波遍宿郵蘭興承

色

笑蒨屋入詢詠宮柳迎

清蹕

宸章記舊遊馬前隨指點佳氣擁山頭

恭和

御製聞淮南得雨元韻

德保

時霖優渥急封函
報道淮南水盡甘
灌溉已聞勅
夏五空濤端可賀
秋三樂憂有序
心常惕風雨無
愆

德不慚比戶
定知沾

聖澤非關財賦
在東南

恭和

御製長城元韻

德保

長城設險勢方豪
空憶亡羊尚補牢
但使雄關分內外
遂教滄海動波濤
金墉不解蕭牆患
粉堞會同東馬勞
千古來城上望笑
他堅壘敵弓刀

恭和

御製灤陽別墅元韻

德保

烟抹崇巒草色青
灤河環抱碧泠泠
檻依幽壑風當戶
座俯清流月在庭
試馬正逢秋隼健
開軒偏

愛野芳馨吾

皇茂對添佳興
隱約秋聲靜裏聽

恭和

御製涼元韻

德保

輕葛無端欲改為
秋風乍引劇紛披
祇因人在層巒上
頓覺涼生七月時
深徑曉行綿易早
小橋徐渡水流遲
節隨地變寒暄異
茂對還聞繫

睿思

恭和

御製小金山元韻

德保

緬思浮玉山，嵒嶸勢砭砭。
下臨萬里江，上結千年
果。何如此峯秀，數椽適延坐。
藉彼以金名，無須錦
繡裏登臨仰。

聖蹤結構天成，安即小作大觀山靈應許可。

恭和

御製桂元韻

德保

丹桂當秋帶露鮮香飄

御座恰開筵月輪枝滿逢嘉慶山館聲和應

齊篇影向高低千樹合花看中外一家連秋來多少延

齡蕊散馥無如此亦賢

恭和

御製霧元韻

德保

大塊文章險以奇雲氣變幻山可移塞上山多常

隱豹飛烟縹緲無東西沾衣欲濕疑細雨妙哉虛

吸伊誰為我

皇登山初校獵從官雷動瞻旂旗樹木森布匹練染絲
絲縷縷縈虬枝仙人空中起樓閣圖畫天然臨碧
池頃刻九霄如綿墜恍行萬馬羣奔馳谷嵐捲散
青天現羽林屹立麇麇迷

神武天縱君王備

祖法垂裕昭繩其道旁文臣失遠路按轡遣使交詢咨走
筆寫出千萬象下馬齊讀

軒轅詩

恭和

御製行園獲白鷹詩元韻

德保

車駕動仙靈
瑤光散碧星
含貞馴在野
應瑞獻於庭
潔愛秋雲壑
游宜上苑亭
出羣標素質
養性飽芳苓
得不煩彤矢
歸看映玉駟
壽仁徵物象
何必著丹經

恭和

御製行圍四詠元韻

德保

撒圍

千二百軍士分旂逐隊行不知山窮劣祇凜令嚴
明左右飛雙翼迴還列五旌恭勤諸部落踴躍洽
皇情

待圍

箕斗天邊下停鞭立水涯自知收縱得無不往來
宜霜迫盤鵬路風高射虎時攻車猶未合吉日早

歌詩

合圍

高低緣谷勢密布網堪稱整似縱橫陣嚴如戒律

僧三驅士同力壹發

聖多能講武

皇猷盛秋蒐舊典仍

罷圍

圍罷烟雲捲情聯中外歡

頌恩到藩服觀獵及彈冠育物仁開網陳牲

孝奉盤喜承

文母宴愛日上風竿

恭和

御製行圍四詠元韻

介福

撒圍

獵騎衝霜動深林踏葉行乍看初日起漸覺萬山
明馬度梯雲路人呼出樹旌諸蕃忻效命踴躍奉

皇情

待圍

山半

行城列圍來遠澗涯令同嚴陣日典與詰戎宜一線
綿聯處雙旌合抱時微臣忝從獵吉日續賡詩

合圍

塞外秋蒐候寧同羽獵稱霜寒明似雪石古瘦於
僧撒挾弦聲發超騰馬力能一圍更一嶺樂意不

相仍

罷團

恩威式蕃服遊豫博

慈歡聲羽歸鷹架天閑卸馬冠腥頒中使騎

賜重大官盤拜

澤歸廬晚燈光認遠竿

恭和

御製九日元韻

蔣溥

獵場此日恰周遭塞外風雲氣象豪
排檻山光千疊秀生花

天藻九秋高
英囊佩處香盈袖
菊盞斟來色映袍
從古

獲熊占得士侍臣紀實喜抽豪

獵場 皇上親射二熊次日京師

恭和

御製罷獵出崖口元韻

汪由敦

歸程經谷口獵騎散千羣
氣尚從公壯情緣拜

賜欣懷柔

先烈遠續述

聖心殷一讀豐碑句乾坤煥大文

恭和

御製波羅行宮作元韻

汪由敦

輦路逶迤候獵歸

離宮閒敞暫相違菊花過節留餘豔

時重陽後二日

松翠凌

空散遠暉弭節偶閒從味道詰戎深意在防微

山莊隔日應重到坐攬朝嵐與夕霏

恭和

御製灤陽別墅元韻

秦蕙田

水勢山容一攬收

翠華臨幸正清秋四圍烟樹紛無數百道風泉在上頭
奇境得來因地設

藻思溢土似川流碧波清嶂幽尋處歲歲榮經

御墨留

恭和

御製雙塢山元韻

嵇璜

率堵波明入畫圖雙尖馬耳故應殊一鞭重指灤
河北絕勝扁舟西子湖

前題

德保

寶鐸連峯儼畫圖誰參慧業象文殊西來一曲灤
河水彷彿靈蹤鎮五湖

恭和

御製汲伊遜水烹茶元韻

汪由敦

秘製三清稱絕品竹爐風雅名高甚佳泉往往天作合
相得益彰

精鑒審

皇都玉泉塞伊遜下澤蘊奇鍾異稟崑山傍玉石抵
鵲行汲尋常付厨廩一後

真賞達

至尊第一之名斯共稔

行秋哨鹿入木蘭溯源百曲頻咨諗撒圍虎帳試注茲
味別溜澠入無朕松枝石銚活火煎雲腴雋永清
不凜雖云地遠遐荒隔那比玉泉依席衽金漿甘
醴何足方半月程供大官飪

恭和

御製灤陽別墅元韻

王際華

別苑綠陰稠

鸞旂此暫留人間方入暑天上已迎秋當牖高峯列

侵階激水流竊然多靜賞花木正修修

欽定熱河志卷一百十一

欽定四庫全書

欽定熱河志卷一百十二

藝文六

本朝

詩

恭和

御製山莊燈詞八首元韻

汪由敦

萬樹天花燦遠空燈筵例比

禁園中

仙往夏景過元夜大地歡聲內外同

寶幢光搖五色雲踏歌聲裏漏聲聞尋鐘宛轉新
翻樣馬使曉勝舊絕羣

夏宵山近氣微寒萬盞燈疑九陌看絕勝昨秋三
五夜桂輪水淨露珠圓

寒露

恩濃賦草蕭丹霞萬尺建神標人間天上渾難辨不夜

城中第一宵

鈞天日聽琅璈樂良夜還燒錦帶燈拜舞還稱無
量壽琉璃寶界集神僧

花散千枝驚豔發光流百道絕空緣虹橋幻出通
仙跡寶字排成拱

御筵

巖嵐林影紛成彩絳闌琳宮慶此宵瀛海蓬山能
似否鬻蕭臺上列仙朝

千枝渠盤帳前陳西域休誇百轉輪宜獨名王蒙
遠耀祥光朗照萬方人

前題

王際華

玉塞宵涼碧宇空

離宮景乍度天中來賓新得馬騶長

錫宴元宵事例同

萬綠叢中散火雲雷轟電激四山聞映波百道金
蛇掣彷彿紅旗競渡羣

纔挹冰漿瑪瑙寒魚龍百戲儘教看忽驚火樹銀
花發映月連星并作團

喜對薰風詠蓼蕭雲霞繞幕赤城標芳園已過黃
梅雨月色燈光又此宵

綠樹陰中

雙鳳輦紅蕖池畔九華燈光明界即蓮花界照徹三千
現古僧

來從雁磧天西遠還結鼇山海上緣湛露三宵霑

毳幕華林萬帳共芳筵

正是星橋初啟處莫教玉漏易催宵

龍光日日榮三接絳幘傳呼又早朝

花開頃刻幻俱陳燈影旋移轉玉輪忙舞西來諸
部曲從今常作太平人

前題

錢維城

萬樹園開朗太空放燈如在上元中觀光初接狼
臙部應與朝正舊例同

萬點攢星五色雲空中雷轉遠山聞鼓聲未驟紅
初結火鳳銀龍各一羣

不知明月水晶寒并對晴山火齊看夜氣自澄天
宇淨鏡光融徹錦輪圓

初聞烟氣若燔蕭旋有霞光似建標嘉會勝情都
不減藕花香裏試燈宵

錦幄還垂五絲線蓮花合作九華燈更看寶樹玲
瓏搶疑有琉璃界裏僧

烏許亦登同樂苑素娥偏結蕊珠緣已過仙艾靈
絲節重預傳柑撒荔筵

到來玉塞招涼地猶是金吾放禁宵麗正門開千
隊入

山莊仍設正衙朝

魚龍曼衍畢分陳歡洽終宵轉玉輪好語西戎全
入覲來同

上國踏歌人

恭和

御製金蓮花元韻

汪由敦

灼爍爭看爛綺霞傳來嘉種自龍沙

御袍拂處風初定玉砌開時日未斜
淨植寧慚君子德清芬故在法王家
承恩撒炬休相比不是尋常設色花

恭和

御製清舒山館元韻

高壽

登臨到處皆堪賞
入夏尤於山館宜
擎蓋有香蓮
吐芳繁陰似織柳垂絲
暎晴好鳥無心喚欲雨
閑雲作意遲靜裏天機隨
領畧晚來明月入簾窺

前題

陳堯華

是地炎歊從不到
此中丘壑總相宜
樓林鶴起鶩
松籟出岫雲來帶
雨絲臨水能教塵垢淨
看山不覺夕陽遲
靜便何處煩囂著
只許蟾光入夜窺

前題

國柱

別館招涼當妙境三庚引興最為宜
扇裁圓月水為骨衣製輕雲雪作絲
雨氣一簾蒼蘚潤風飄半篆翠烟遲
紅塵萬斛飛難到惟有松間白鶴窺
恭和

御製題大寧塢元韻

汪由敦

大寧城廢名徒存賸峙孤塢臨荒原
疑有梵筵開舍衛空傳詞賦說梁園
舍利金剛縱靈異難鎮燕都天子氣
北顧全無拊背憂南下方知翻手易
踴

來多寶定先知曾見潛師席卷時替戾禿當鈴自

語長江高閣重晴浴

寧王後改封南昌

珠簾碧瓦早沉消

宿莽烟榛影動搖耕牛牧馬歸殘壘可識昇平歲

月遙

六龍東指時躋陟清曉陽烏纔展翼雲來雲去乍迷離

路隔空濛近城北亭亭可望不可登點數飛簷疊

幾層駐馬踟躕無片碣欲問誰建何由能龍沙卓

立幾經秋爾日忻遭

聖業留廣漠野道遑遑憑眺應銷萬古愁職貢而今此
置郵

恭和

御製板升元韻

汪由敦

巢居苦風穴苦雨象取大壯筆棟宇疆畛所限習
俗殊遽作穹廬恒聚處平沙廣漠格爾多馳馬滿
谷羊滿阿誰教架構作籬落遂闢村莊藝麥禾候
吏無呵容轉徙塞山到處營疆理或齊或晉失業

民接踵栖挈妻子一家中外樂時平舊史堪嗤
詫板升祇今烟火通隣里當日風塵擾甲兵輸幣
歲增虧帑用馬市纔成旋請封拜姓契塔為寇資
蒙古稱漢人為契塔盛契丹之
訛近來接境故以此為通稱耳隱然敵國聲勢重
名藩內屬餘百年不逐水草事力田從獵公徒隨
弭鞭迎

鑒除道待行邊懷柔布德

聖化宣板升更賴

天藻傳

恭和

御製魚石屏歌元韻

汪由敦

少見多怪紛然疑偉哉造物能爾為由融而結誰
指揮異石片片羅鯤鯨頑礦乃復藏神奇宛見綠
波游泳姿出聽宜繫聞絃徽銜鉤那待投竿絲乍
疑妙繪網箋遺嘆花影弄垂柳枝或乃匠巧神工
施刻畫髻鬢分剗移想當秋水無津涯鱗鱗潏潏

時縱其曝肥跋浪凌空虛叶此樂未許惠子知滄
桑何代倏若斯帶還為礪匪夷思炎飈靖日漢沫
滋大鈞飛燄陶青泥一氣所到理異宜石凝水態
層層披魚為石質息不吹麻源螺蚌有先期製屏
不藉丹青緇重以

天章琬琰垂酉陽博物驗在茲

恭和

御製蒙古土風雜詠十二首元韻

錢陳羣

乳簫

孰論得髓孰得皮以莢何曾一矢遺毛孔直參無

漏義元霜要悟欲流時最憐初達先知跪

羊初生求乳必

跪其母

只恐生駒未受羈候火定教通味外醍醐應

向此中移

荒田

偶紆

翠蹕雲中騎來看黃沙雨後田試歷塞垣無棄地方知

聖澤本同天縱橫自屬東南外樹藝仍居遊牧前力作
不勞成歲事昇平一飽故依然

鄂博

疊成齒齒復磷磷此是山川正直神便有攝儀行
過客何曾施敬路旁人由來樸魯無淫祀終古祈
求有歲申捐乳炙牛存典禮居然風俗譜岐幽

草囊

一笈從來抵一奴

行旅訪語

摒擋家具此焉俱為筐不

用裁江竹盛飢何妨當飯盃
利涉亂流傳古法考工
紉製陋諸儒蕭然囊橐隨行李
自笑真成落腳

柴車

聞說紫芝乘此隱而今遺法塞垣多

元德秀罷官後嘗乘柴車

往來陸渾山中

不巾不輻偏行遠非櫓非篙亦渡河
載月
呬鴉同小艇拖泥穩便比輕駝
曾叨扈從

陪車後沙路相逢一簇過

骨占

神占即可號神羊火象於馬義取揚灼炙既從呈
圻兆仔肩如響定襪祥繁昌早驗明年牧近止能
知遠成郎魚亦問晴鷄問卜乾坤至奧豈終藏

馬竿

弓弓綏綏及腹繩缺駢未許縱驍騰若非竿勢先
馴致那得鞭絲便奏能罷釣任公時拂水脫族蘇
相偶踰陵盡驅天馬來

天廐絕技材官庶足稱

兜版

乳花啼笑劇堪憐
韋紉雙縈貼兩肩
不用歌詞傳
蹟面豈因束縛礙
吞拳牌頭籍免添
丁稅臂上絲
穿長命錢更指熊
祥牀寢地壁間弧
矢正高懸

灰簡

布白編韋可代言
結繩而後此苞元
新陳遞嬗人
稱便開闔虛中道
可存春蚓秋蛇無
定跡剡藤魚
子不分門學書紙
費成徒語執簡應
同傳笏論

竹筆

如錐蘸墨便能揮老健中書未放歸宣假象犀稱

玉笋敢邀湯沐著紅衣

茗雲問製筆有
名大紅袍者

透來紙背

方知是認去毫端只恐非倘得

幾餘親一試行間鸞鳳會同飛

口琴

獨絃琴是口中吹匠氏偏工以冶為老眼看來真
似鑷春葱撥去恰成絲聲迴合節箏應讓舌轉如

流鶯未知

行殿薰風傳解愠雷門布鼓笑閭氏

轉經

磨堯妙義自無文佛力風行衆所欣清淨輪迴原
自在波羅密諦本難聞萬緣旋轉空王國一手扶
搖大地垠象教由來能護國焚修莫說誦持勤

恭和

御製出古北口元韻

嵇璜

一峯留幹控羣山古塞螭螭是北關秋嶺風迴雲
氣合邊牆雨漬土花殷來庭遠服通軺傳迎

輦歡聲動市閭底事長城誇設險八荒已在戶庭間

前題

夢麟

馬足輕塵馬首山翠微堆裏達嚴關雁沙風掃連
雲白綺樹林高帶雨殷烟靜丹梯閒畫角天開碧
嶂見通關

聖朝不用九泥塞萬里伊犁指顧間

恭和

御製烏沙爾器元韻

汪由敦

丹雘不逐塞榆飄火齊星攢壓翠翹若向西京論
賦手君遷平仲是同寮

峇還何曾到上林龍沙秋色曉森森故知遠軼嵇
含狀果譜新添有

睿吟

靈砂點就神丹轉韎韐奩開寶氣豪應笑朱方數

紅豆漫勞西域問蒲桃

前題

劉綸

好鳥榆關咏葢飄離離星影綴雲翹相於合有北
天竺妙鬘華纓結淨察

上蘭仙種擅珠林菟耳分叢護碧森五雅釋箋都可廢
品題

乙夜入清吟

賴虬探領由來幻火齊傾拌詎足豪到眼吳儂慚

物色料量郁李比含桃

前題

觀保

芳藪疑有暗香飄
朱顆圓勻壓翠翹
道是珊瑚生貝闕
何時移得傍山寮

託根榆塞自成材
可為弓老幹森旖旎
詎隨凡草木應將紅豆入新吟

丹砂色綻堪同豔
火齊光懸足並豪
最是巖疆多異種
引來山鳥誤含桃

恭和

御製常山峪行宮疊舊作元韻

汪由敦

雲軒青嶂外霞磴纈林前

大獮方行令酬勲為定邊遵塗屆

靈囿頓宿撫文筵迴憶初臨日俄經十五年

御製舊韻

作於辛酉是年初
幸木蘭臣叨興庑從曾恭和元韻烟嵐猶滃蔚風日更

清妍八景

披吟處

行宮有御製八景詩

新松正及肩

前題

董邦達

睿略馳方遠

宸遊跡憶前

行宮重

駐蹕諸將近收邊秋色迎

鑾輅山光拱

御筵憑軒增勝槩觀稼樂豐年

舊墨龍蛇勁

新題藻采妍計程山館過蕃部集駢肩

恭和

御製熱河啟蹕幸木蘭之作元韻

汪由敦

乘時肄武舊章循白露初過呦鹿牲峰指玲瓏林
竄篠雲垂紉縵曉輪囷疇咨封事郵函速志喜

宸篇點筆頻那待周陟誇遠服

天威早懾大宛人

前題

劉綸

灤河統塞首塗循雉介風高聽鹿牲迎勒草香聞
掩藹展圍山勢看盤囷大宛選騎調良並穆納

旋轅送喜頻兩歲陪

筵許三接奉琛還待後來人

時聞哈薩克陪臣
將次入覲

恭和

御製出古北口詠古元韻

汪由敦

北門雄鎖鑰設險有嚴關一綫通戎索千重直
塞山雉樓空曲上烏道翠微間往昔藩籬重防秋士

馬難時清邊備遠民晏吉風還羽騎駸駸度雲峰相
對閒

前題

紀昀

翠輦臨邊塞檀州有故關南來通一綫北顧見羣山連
弩思前代偏搶近此間飛猱行尚怯高鳥度應艱
蘇轍題詩出王曾奉使還何如

今一統秋曉戍樓閒

恭和

御製至避暑山莊即事元韻

裘曰修

山莊到處秋如畫勝日來時境是仙壯士扈行

親校射名王入覲歲開筵

謀深帷幄皆長算吟到禽魚有夙緣此地只如房闥內

年年

清蹕與周旋

前題

錢大昕

到處林亭宜入畫望來巖壑宛疑仙澄泓水展空

明鏡峭崿山當翰墨筵滿眼禽魚皆至樂會心草木有真緣昇平中外承

嘉讌好待秋深

羽葆旋

恭和

御製熱河啟蹕之作元韻

裘曰修

小駐還當啟

蹕時曈曈初日照通達人言白草黃沙地身到青山綠

水涯八月田功觀晚獲三秋花事賞芳蕤塞垣未
覺西風冷閨歲應知節稍遲

前題

紀昀

武列河頭雁過時勾陳羽衛啟通達紅飄霜葉楓
千樹綠繞寒漸水一涯蹀躞花驄隨

日馭玲瓏芝蓋散雲旌如聞蕃落諸渠長會獵梁鄒到
恐遲

恭和

御製雨獵元韻

劉統勲

獵以肄武傳有哉中權直冒秋霖來揚威制勝在
弧矢非弩非網非繇媒軍聲已動不遽止轟雷激
電難比擬膠霑弦濕中轉奇白羽落處蒼鹿起沾
濡無愁得雉喜氣挾風霆運臂指乃知

聖意戒遲回弛者難張張易弛勗哉勇決重戎行蠡測
管窺見如此

前題

裘曰修

長林豐草何遼哉平時獵騎不敢來
奔狐擾鹿叢
虎跡館熊窟兔驕雉媒

大獮乘秋行至止
鶩鷺魚麗安足擬
左縈右拂射疊雙
毛鷺角駭圍中起
挽水天河真兆喜
雨腳垂垂近
堪指弦鳴彌覺點
聲麤弓勁不愁膠
力弛須知師
律寓行圍號令如
山今見此

恭和

御製行圍即事元韻

汪由敦

半嶺霜風颯颯來萬山高處絕纖埃欲齊衆志羅
千騎應識天生用五材白氎乍迎朝日上黃旗高
捲朔雲開

據鞍批荅軍郵速那待飛書趣

聲入召枚

馬騰弓勁稱行秋極目穹窿遠勢道猛虎伏崖林
霧暗驚禽躍澗日光浮細尋伊遜河流曲遥辯長
城古蹟畱即景

拈吟待圍合飛箋曾不費冥搜

屬橐列蠱力恢張險越屢屢躡紀堂潮海沆溶迴
地軸風雲翕集揭乾綱繩聯碁布行無跡環合規
圍制有常肆武正勤

籌遠略大風歌就興飛揚

前題

劉統勲

紫氣黃雲匝地來寒山影裏動纖埃平添西極迨
風足饒有東丹射鹿材賦就長楊難自炫營連細
柳不輕開蕭蕭靜聽鳴鞭響我士無譁底用枚

紫回玉勒

詠新秋馬上

篇章韻更道黃葉試茶新火活蒼鷹趣兔片雲浮凸凹
巖壑如常履窈窕林泉為少畱何物擇人行舐掌
飲飛予利

勅重搜

蕃部旌旄左右張躬桓先已會明堂行行隊似星
分野井井條如網在網箭殪天狼隨指嗾芝啣銀

鹿見尋常便從羽獵圖

王會吉日車攻漫頌揚

前題

裴曰修

仗外圍嚴斷往來萬蹄蹴踏不生埃黃衫煜煜文昌
將翠羽翹翹武庫材耳後鴟鳴飛箭過懷中月滿
引弓開詞臣屬目

旌門下歎段追隨揖馬枚

樹樹金鳳葉葉秋饑鷹直下力初道雲排兩翼呼

聲合日麗中權

御氣浮馳道

龍旗遙掩冉看城

驚輅小遲留賡吟每捧

瑤牋士獨愧枯腸韻苦搜

絡海包山大翕張

神機猶是運朝堂華夷共戴環

辰極文武兼資揭

帝網眼底風雲生咫尺草間狐兔只尋常即看一矢天
狼殪凱奏西來喜氣揚

前題

錢大昕

森巖羽仗自

天來雨霽重嵐掃碧埃控鶴三千神策士飛龍十二上
襄材令懸旌旆和門合陣布風雲大幕開講武六
軍皆整肅不煩司馬戒銜枚

野濶天高九日秋伊松河上塞風遒

玉鞭乍到輕烟拂

紫幄初開瑞靄浮雲入望中皆澹蕩山當佳處暫停

留廣成欲進詞臣頌詰屈空慙短韻搜

彌山絡野勢分張變化神機自

廟堂蕃部傾心瞻

法仗降王泥首懾

天網握奇齊列龍蛇陣懷

德遙迎日月常頻見玉門西奏捷機槍掃盡

國威揚

前題

紀昀

長林豐草射生來
石逕清無半點埃
冀馬於今皆逸足
燕犀自古是良材
行分鷺鶴雙旌動
氣逐風雲萬里開

聖主臨邊軍令肅
無譁不用更銜枚

獵獵風聲大漠秋
高原塞馬力初遒
旌旗影帶寒雲捲
組練光含曉日浮
霜隼盤空爭搏擊
天狼避

箭敢遲雷中黃奮欲摧彫虎荷戟深巖更一搜
雲罕天弧歲歲張儒生何用戒垂堂諸蕃震疊星
從斗七萃森嚴網在綱蹴踏崑崙猶奮迅鞭笞頡
利只尋常銘勲尚薄岐陽鼓遮莫區區侈馬揚

恭和

御製山村元韻

汪由敦

塞外常苦寒種禾取其旱地瘠既遲發雨稀復易
槁行行傍山村結穗實堅好彌望但黃茂攬之粒

俱飽婦孺各恬熙鷄豚亦馴擾

宸遊信多樂勝賞滿馳道

前題

董邦達

八月納禾稼塞外西城早山田黃盡勻熟異科上
槁糜芑種自嘉結粒堅且好遠邊成樂土八口終
年飽婦子皆優游鷄犬不相擾得此功誰歸蕩平頌

王道

恭和

御製谷中元韻

汪由敦

谷裏人家成小聚
火耕歲久地迴涼
曲依巖壑堵
為屋平礮坡坳掃作場
經歲吏呼曾不到
中田婦

饁亦相莊從

遊恍見康衢象民氣
知無莠種妨

恭和

御製八崖口元韻

觀保

區脫天開屹兩崖
到來眼底得清佳
疊屏山訝馳

峯似度嶺人看蟻垤皆嵐氣每於雲氣合松聲時
與水聲諧

習勞不為游觀樂好景偏如竚

寄懷

恭和

御製題虛元韻

汪由敦

白氎剪裁潔文筠插架平自然成廣廈寧用侈雕
毫霜隔簾衣重香凝

龔座清由來陶復製存古見

深情

恭和

御製題小金山元韻

蔣溥

中央小朶即飛閣絕頂蓮花建紫廬秋水似雲圍
曲檻孤峯如畫映方諸綺明練靜滄江遠樹隱樓
閣碧澗虛

睿思不殊浮玉勝勝於浮玉轉清疎

恭和

御製清舒山館元韻

蔣溥

鶴捧爐香燕拂書
清秋山館日長舒
結為塵外烟霞窟
移就村間水竹居
林靄乍霏朝旭潤
茶聲輕颺午風徐
惜陰檢點禽魚樂
詩地分明

筆力餘

恭和

御製塞山元韻

劉綸

穆納嵐光繪嫩涼餘歎淨滌快褰裳磧中野水穿
沙響

莊畔高禾出屋長夜拭玉蟾遲遠榭晴摩霜隼趨平
岡木蘭萬頃如香海崖口懸知葉未黃

前題

觀保

塞外山多氣早涼如花紅葉已裳裳雲開諸嶺駝
峯出雨洗寥空鳥道長榆柳數家依曲澗牛羊千
隊散平岡秋光到處邀

宸豫況是岐陀稼已黃

恭和

御製含粹齋元韻

劉綸

一區架構有餘清
納納虛檐出仄平
與顯氣俱非
假象得天倪
露是含精太元著
草亭空峙秋水成
篇檻漫橫會取

名齋真義蘊兼含孔思復周情

前題

張泰開

窈窕山齋萬象清朝嵐夕翠與檐平試看飛躍天
機活便識行生道體精石落沙明秋水淨雲歸岫
複夕陽橫

天題妙括義經義俯仰高深契
睿情

恭和

御製駐行營元韻

劉統勲

興桓之北松漠南肅肅勾陳羽衛駐疊嶂遙連紫

塞垣行程却指紅雲路崔嵬

帳殿臨高原丹林翠壑天然趣大海蕩蕩水所歸諸
蕃來似百川赴馬牛恒以山谷量醕乳時論斛石
酤燒當無弋肩摩從駭愕中華強且富昆彌動色
相顧盼贊普傳言互告諭此間氣象真堂堂絕漠
威行良有故軍容嚴整神融怡疆域式廓

帝命貽欲將

王會八畫圖宣但石鼓陳歌詩蓋地之圖驂白鹿聞

風而至其奚疑

聲靈震疊邁遠古大哉玉檢明堂基

前題

劉綸

一重兩重碧嶂開千騎萬騎

黃城駐星廬匝翊

帷宮高下風竿辯蹊路行行設極更通橋秋原延矚
無邊趣司盟舊部馳傳來屬吏新藩踐更赴根移
肯綮抽嫩芻種獻蒲桃壓清醑佳名沃壤多巴顏

德產從知饒美富危園西旅競懽呼义手脱帽難
言諭金牙瀚海坐日嗤甫草上蘭空掌故

時政悉率

皇情怡允文允武

家法貽鋪叙不數陳倉碣典則寧誇勅勒詩

膚功已奏繕軍實登三成五夫何疑

和門珥筆請為紀時萬時億恢

鴻基

恭和

御製九日元韻

劉統勲

黃花開放趁秋陽

蒲幄平臨射雉場
侍從欣陳幽蜡美
蕃渠新識糗梁香
紫萸盛泛爭承露
白雁聲多欲落霜
更喜寒山都似畫
登高一望翠低昂

恭和

御製出塞口元韻

劉統勲

講武連旬舉大蒐

六飛親涉道途修已陳虎旅行松漠競擁

龍旗渡索頭

伊遜河即水經注之索頭水

此地諸蕃爭迭

輦古來長整笑防秋躬桓濟濟陪

嘉宴取次金罇湛露稠

前題

劉綸

磨崖大字紀

親蒐旋軫渾忘路阻修翠嶂雙排開石骨朱闌一折界

雲頭迴瞻雁砦鴻天晚直指烟村水市秋此際
觀風知倍喜抵京比似去時稠

前題

董邦達

寶鞍彫弧罷講蒐

六龍迴蹕引途修千行灌木紫旗首一路仙雲簇馬頭
攬轡共知循舊徑看山又是近深秋鵷行扈從重
經過回望林巒萬疊稠

恭和

御製萬樹園賜布魯特觀烟火元韻

劉統勳

列溪秋水夜盈盈月色燈光倍有情
萬里旃裘聯隊入千枝火樹照人明
直將玉燭通銀漢坐覺琉璃湧化城
料得傳言徧西域聞風爭拜護羌營

前題

劉 綸

交光燈月一時盈
數坐擎觴共洽情
舞入魚龍隨隱現
篆成蟲鳥更分明
騰聲合到無雷國
散彩疑遊不夜城
使者來從星宿海
底教瞠目屢怔營

恭和

御製塞田元韻

蔣溥

阪田競高低迤邐接塞外入夏土脈乾播種尚有

待宵旰勞

聖心甘澤還立沛良苗何油油陂塘互縈帶慮歎轉獲

穰三農慶應最碧溪水潺湲未為秋稼害明昭

帝所貽穎粟民斯賴塞天霜氣遲自卜收穫倍想見築場

時萬井農情快

恭和

御製峽琴軒元韻

于敏中

軒前動操衆山皆攫醪無心韻自諧悟徹匣中兼
指上聽從挂壁復橫階傳聲谷遞清和奏入律風

調

解阜懷

相賞更餘真意在天然松石軫薇排

恭和

御製滄浪嶼元韻

于敏中

芳嶼臨清流秀色在階砌動影冲融間倒侵翠微
翠迴風澹漪瀾觸景紛妙詣歌從孺子聆亭仿詩

人置

淵懷湛然澄一理涵萬事

恭和

御製登四面雲山亭子作歌元韻

于敏中

四山環合雲深處繚白縈青泊然遇笠亭螺徑凌巉

嶢

吟朗煙霄若神助層雲盪胸西復東卑之列岫羅牕中
逸情遠出陶謝上活色恍與倪黃逢

閨風山蔣蔣俯塵世聚米周知八鴻事居高視遠覩縷
呈臚列川原可數計秋山明燼秋日懸黃雲鋪隴
覘豐年腰鑱行刈霜信前檐歸園鹿人頰肩

恭和

御製射元韻

蔣溥

節應駒虞樂備官

九重神藝許齊看良遊詎數華林射

至德真同覆相觀穀滿雕弧風力勁棚開豹的月光團

共知

聖武超前古朱鷺聲傳萬象歡

前題

劉綸

簽名

行殿引材官

御射先容列侍看法

祖天弓

神所授序賢臣鵠德為觀散飛筵羽穿長埒的暈聯珠破

小團按部蕃王能入彀

賜衣鞠毬奉

宸歡

恭和

御製瀑源元韻

劉統勳

靈源通地脈懸瀑穿天孔曲徑落崦岬危磴圍穹
從雨晴沫濺裾秋入雲飛隴披榛若褰幃刈蔓
如開籠魚遊力上溯鳥過影倒甍岷張一派垂峽
隘千條攏空手照晶晶顯氣浮滄滄資深詎待濤
奔湊知難壅此中瀕洞含其下波濤洶皓魄滿欲
流素奩寒不動象為石甕注周作嶽蓮聳根極四
溟會鑿謝五丁勇萬古玉膏流半夜神光湧

前題

于敏中

懸洪瀉曾青噴薄泯罅孔萌抵塊無垠天瓢斟穹
嵒權輿導江沱濫觴溯岷隴織路輿復峭潛廬翳
若籠近覩疏室寥霅然始發霅沓訝湯釜沸漉訕
竹簞攏綫溜巖脚穿匹練雲根滄游渠既以泄黝
條不得壅驥渴歛羈馭雷輶殷甸洶突突盪相摩
絨紐靜即動毖惟蹇漣欲激或嶢嶢聳氣毋所胚
凝拗勢如養勇

天倪闢鴻濛言泉萬派湧

欽定熱河志卷一百十二